

Broj: 01-07-07/2-14-2-29
Datum: 23.02.2016. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama („Službeni glasnik BiH“, broj 39/14), federalni ministar unutrašnjih poslova **d o n o s i**

ODLUKU
O ZAKLJUČIVANJU OKVIRNOG SPORAZUMA ZA JAVNU NABAVKU
KANCELARIJSKOG MATERIJALA PO LOT-OVIMA U TOKU 2016. GODINE ZA LOT 1
- NABAVKA KANCELARIJSKOG POTROŠNOG MATERIJALA PUTEM PONOVRNOG
OTVORENOG POSTUPKA

I

Na osnovu čl. 32. stav (1) i 69. stav (1) tačka a) Zakona o javnim nabavkama („Službeni glasnik BiH“, broj 39/14), a na osnovu Odluke o pokretanju postupka javne nabavke kancelarijskog materijala po LOT-ovima u toku 2016. godine putem ponovnog otvorenog postupka, broj: 01-06-06/3-14-2-29 od 04.01.2016. godine, i objavljenom Obavještenju o nabavci broj: 405-1-1-3-3-1/16 na portalu javnih nabavki dana 07.01.2016. godine i u „Službenom glasniku BiH“ broj 1/16 dana 11.01.2016. godine zaključuje se okvirni sporazum za javnu nabavku kancelarijskog materijala po LOT-ovima u toku 2016. godine za LOT 1 - nabavka kancelarijskog potrošnog materijala.

II

Okvirni sporazum za javnu nabavku kancelarijskog materijala po LOT-ovima u toku 2016. godine za LOT 1 - nabavka kancelarijskog potrošnog materijala zaključuje se sa ponuđačem „PRIMAPROM“ d.o.o. Banja Luka koji je dostavio najbolje ocijenjenu prihvatljivu ponudu, sa ponuđenom ukupnom cijenom sa PDV-om u iznosu 21.929,02 KM.

III

Ova odluka stupa na snagu danom donošenja.

O b r a z l o ž e n j e

Komisija za provođenje postupka javne nabavke kancelarijskog materijala po LOT-ovima u toku 2016. godine, imenovana rješenjem broj: 01-07-07/2-14-2-1525 od 01.09.2015. godine, provela je postupak, te izvršila razmatranje, analizu i ocjenu blagovremeno prispjelih ponuda ponuđača po ponovnom otvorenom postupku javne nabavke kancelarijskog materijala po LOT-ovima u toku 2016. godine (LOT 1-nabavka kancelarijskog potrošnog materijala i LOT 2- nabavka tonera), objavljenog na portalu



Javnih nabavki broj: 405-1-1-3-3-1/16 dana 07.01.2016. godine i u Službenom glasniku BiH broj 1/16 dana 11.01.2016. godine i to ponude ponuđača „PRIMAPROM“ d.o.o. Banja Luka i „CROBOX“ d.o.o. Sarajevo. Nakon detaljnog ispitivanja i ocjena ponuda po navedenom ponovnom otvorenom postupku – za LOT 1- nabavka kancelarijskog potrošnog materijala, Komisija je utvrdila sljedeće:

1. Ponuda ponuđača „PRIMAPROM“ d.o.o. Banja Luka, sa ponuđenom ukupnom cijenom bez PDV-a u iznosu od 18.742,75 KM, a sa PDV-om bez ponuđenog popusta u iznosu 21.929,02 KM, rokom isporuke: 1 dan i rokom plaćanja: 92 dana, je prihvatljiva za Ugovorni organ jer ispunjava sve zahtjeve tražene Tenderskom dokumentacijom.

2. Ponuda ponuđača „CROBOX“ d.o.o. Sarajevo, sa ponuđenom ukupnom cijenom bez PDV-a u iznosu 19.810,38 KM, a sa PDV-om bez ponuđenog popusta u iznosu 23.178,14 KM, rokom isporuke: 1 dan i rokom plaćanja: 91 dan, je prihvatljiva za Ugovorni organ jer ispunjava sve zahtjeve tražene Tenderskom dokumentacijom.

Međutim, kako obje prihvatljive ponude ponuđača prelaze procjenjenu vrijednost javne nabavke za LOT 1 koja iznosi 18.000,00 KM bez PDV-a, i to: ponuda ponuđača „PRIMAPROM“ d.o.o. Banja Luka bez uključenog PDV-a za iznos od 742,75 KM, a ponuda ponuđača „CROBOX“ d.o.o. Sarajevo za iznos od 1.810,38 KM, te da je prema članu 69. stav (2) tačka c) Zakona o javnim nabavkama („Službeni glasnik BiH“, broj 39/14) Ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno veće od osiguranih sredstava za predmetnu nabavku, Komisija se podneskom obratila Sektoru za materijalno-finansijske poslove Ugovornog organa sa molbom da ovu Komisiju obavijesti da li su cijene ponuda ponuđača znatno veće od osiguranih sredstava za predmetnu nabavku. Sektor za materijalno-finansijske poslove je u svom aktu, broj: 06-06/3-14-2-29 od 11.02.2016. godine, sa prilogom aktom Agencije za javne nabavke Bosne i Hercegovine broj: 02-02-1-697-2/16 od 10.02.2016. godine, odgovorio da je razmotrio pitanje raspodjele budžeta i utvrdio da se može prilagoditi budžet i raspodjeliti dodatna sredstva za finansiranje ugovora za nabavku kancelarijskog potrošnog materijala u 2016. godini, jer se ne radi o značajnom odstupanju od procijenjene vrijednosti gore pomenute nabavke. Komisija je utvrdila da su se stekli uslovi za nastavak postupka na dodjeli okvirnog sporazuma za predmetni LOT.

Na osnovu tačke 20. Tenderske dokumentacije, pod nazivom: „20. Kriterij za dodjelu okvirnog sporazuma“, Komisija je pristupila ocjenjivanju ponuda i to po sljedećim kriterijima: 1) Ponuđena cijena, ukupna po LOT-u učešće - 90%, 2) Rok isporuke, učešće - 6% i 3) Rok plaćanja, učešće - 4%.

1) Po kriteriju ponuđena cijena maksimalan broj bodova - 90 dodjeljen je ponuđaču „PRIMAPROM“ d.o.o. Banja Luka, sa ponuđenom ukupnom cijenom sa PDV-om u iznosu 21.929,02 KM koji je predložio najnižu bruto cijenu (uključujući i sve indirektno poreze. Po ovom kriteriju ponuđač „CROBOX“ d.o.o. Sarajevo, sa ponuđenom ukupnom cijenom sa PDV-om u iznosu 23.178,14 KM dobio je 85,15 bodova.

2) Po kriterijumu rok isporuke oba ponuđača dobila su maksimalno po 6 bodova jer su ponudili rok isporuke od 1 dan, a po ovom kriteriju za ponuđeni rok isporuke do 1 dan dobija se maksimalan broj bodova – 6 bodova.

3) Po kriterijumu rok plaćanja oba ponuđača su dobila maksimalan broj bodova po 4 boda jer je ponuđač „PRIMAPROM“ d.o.o. Banja Luka ponudio rok plaćanja 92 dana a ponuđač „CROBOX“ d.o.o. Sarajevo rok plaćanja 91 dan, a po ovom kriteriju za ponuđeni rok plaćanja od 91 i više dana dobije se maksimalan broj bodova- 4 boda.

Zbrajanjem broja bodova dobijenih po osnovu navedenih kriterija (ponuđena cijena, rok isporuke i rok plaćanja) ponuđač „PRIMAPROM“ d.o.o. Sarajevo dobio je ukupno 100 bodova (90+6+4), dok je ponuđač „CROBOX“ d.o.o. Sarajevo dobio 95,15 bodova (85,15+6+4).

Komisija je konstatovala da su oba ponuđača u svojim ponudama dala izjava da njihova ponuda za LOT 1 ne podpada pod preferencijalni tretman domaćeg, zbog čega isti nije primjenjivan kod ocijenjivanja ponuda.

Zbog navedenog, a kako je tenderskom dokumentacijom određeno zaključivanje okvirnog sporazuma za oba LOT-a sa jednim ponuđačem, Komisija je predložila Ugovornom organu zaključivanje okvirnog sporazuma o isporuci kancelarijskog potrošnog materijala u toku 2016. godine - LOT 1 ponuđaču „PRIMAPROM“ d.o.o. Banja Luka čija ponuda je najbolje ocijenjena prihvatljiva ponuda.

Shodno navedenom, a vođen Izvještajem o radu i preporukom Komisije, Ugovorni organ je odlučio kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 (deset) dana od dana prijema iste. Žalba se podnosi putem Ugovornog organa u 3 (tri) primjerka i dokazom o uplaćenju taksi.

Dostaviti:

1. Ponuđačima,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.



MH/FG

FMUP-ODL